



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Amatus Conf. 8. Maii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

Cupidinis, sic à tyranni etiam ignibus integra fuerunt, & à tam sanctis flammaram spoliis hodie Eluacum Germaniæ civitas splendet. *Ex Sur.*

S. A M A T V S C O N F. 8. Maii.

AM A T O Saludecium patria fuit. Parentibus in tenerâ aetate amissis, multa tulit, fecitq; puer & adolescens, etiam viris imitanda. Amor castitatis prima illi bella excitavit, foeminâ clafsicum cantante, proprio sexus sui genio. Ea fratri A M A T I nupta, filiam, quam priore conjugio tulerat, cum A M A T O sponsam obtruderet, repulsam ultimis odiis ulta est, quibus etiam fratres collisi sunt, exiguo tamē A M A T I incommodo, deperantis in lucro, si virtutis causâ nomen suum amitteret, fieretque exosus: Numinis tamen benevolentiam omnibus officiis captavit, in pauperes tam prodigus, nihil ut sibi relinqueret, sed locatâ promiscuè operâ, famem sustentaret: in emaciato nihilominus corpore flagro ferreo non modo memoriâ sed imaginem Christi patientis renovabat, hoc quoque illius assecutus, ut pro malesano habitus publica civium suorum fabula fieret. Sed despectum orbi calû ad se rapuit, tam familiariter quidem, ut inter castas preces evolantem ad Superos animû etiam corpus sequeretur. Crescentem eo miraculo

laculo

raculo AMATI famam frater foedo crimine sugillavit, stupri commercium ei cum Clara sorore Deo sacratâ affingere ausus. Sed ambulanti in jus sol absolvit abollam ejus intercipiens, suisque radiis sustentans. Iisdem illustrata AMATI est sanctitas; sed ille proditorum suum fugiens, inter sacras peregrinationes consenuit, in hospitali deniq; pauperum domo, quam suis impensis crexerat, mortuus. Corpus nondum extabuit, suaque integritate fratris calumniam etiam in tumultu refutat. *E Phil. Ferrar.*

S. GREGORIUS NAZIANZENSIS.

9. Maii.

GREGORIUS à patriâ NAZIANZENSIS, ab eruditione postea THEOLOGVS dictus, cum studiorum causâ Athenas peteret, gravi tempestate jactatus, proximè ultimum vitæ discrimen fuit. Quis credat? quò felicitatis venti secundi nunquam tulissent, adversi tulerunt. Cum enim vovisset, si ex his undis emergeret, sanctioribus Baptismi aquis caput mersurum, & vitam inter Religiosos acturum, illico cælum arrisit, & damnatus voti GREGORIUS navim non tam ad terram, quàm ad cælum appulit. Porro Athenis commoranti uno eodemq; tempore & castitas & sapientia visendam se

R 3

dede-